

- aoleb ro uwaan bwij eo renaj jolet bulok. Ak jet ien bulok ej jelete wot armij eo ear kommon jorran.
- B. JIDRAK IN BWIJ = Jerbal eo elab im emon an juon menmenbwij ej kwalok won eo ijimwe im ekkar bwe en kabjer maron an iroi Jedrik, alab, im dri-jerbal horizontally. Wawein in ej kalablok im kaben jela ko rej bedbed ion maron im jimwe ko ad im men ko bwinnid makmake jen jinoin ejak eo an ro jimmad imaan ion bwidrej ko ad. Rainin jet rej ba jab, "An bwij eo eritto wot kabjer maron mae ien remaat im jako, innem ej kab ilok non bwij ko redriklok."
- C. JEMAN-AE = Ej kien eo eoutiej tata ad ilo Marshall in, im jej aikuij bok ad melele jene. Ej kemlet bwe eor jilu maron ko ion bwidrej, Iroj, Alab, im Dri-jerbal. Rej jimor iben dron, juon eban kowan eo juon kin konan ko an make. Elane jenaj loor JEMAN-AE in, innem eban wotem ban wor abnono ko ikotan iroj im alab, im ikotan alab im dri-jerbal ro. Juon iroj ejab maron "ejjolok" arnej jen bwidrej kin ejelok un ko rellab. Iroj eor aer arnej, im rej yokwe arnej ro air!

ABNONO EO:

1. Kajitok eo jakemantak: MUNA CLARENCE EJ KE KABJER MARON, TITLE, IM INTEREST EO AN IROIJEDRIK ILO TEREEN WETO ILO DELAP, AK TA EMWIJ AN IROIJLABLAB AMATA KABUA JOLOK MARON IN JENE?
- a) Opinion in Answer to the Question:
- 1) Aet, ejimwe im jejjet bwe MUNA CLARENCE en bok maron, title, im interest eo an Iroi Jedrik ilo Tereen Weto ilo Delap.
 - 2) Jab, court in ejjab lo malkan ne Iroj Amata Kabua ear kommon wewen in.

b) Brief Statement of Reasoning on which Opinion in Answer to the Question is based:

1) Plaintiff's Exhibit A & B = MENMENBWIJ:

Menmenbwij kein jimor rejjab oktak jen dron im elab air self-explanatory. Aoleb bwij kein emen, ekoba dri-jumae eo, rej itok jen juon wot kora etan LIMANPINE. LUNA JOHN ej itok jen bwij eo eritto, bwijjin NILEB. Ak MUNA CLARENCE ej itok jen bwij eo kein kajilu, bwijjin LUWARELIK. Ej kalikar bwe Luna John im Muna Clarence rej jen juon wot lajrak in ebeben. Erro ej jimjen-jemjati. Melelen bwe LIOMELON, eo im irojlablab eo rainin, Leroij Atama Zedkaia ej kile, einwot an alikar ilo Plaintiff's Exhibit 5, page eo imaantata, ej nejin Luna John, ebed ilo ebeben an ro nejin Muna Clarence.

2) Plaintiff's Exhibit No. 5 = Menmenbwij eo an nukun eo an Muna Clarence:

Ilo mool Muna Clarence ej jatin Michael im jab nejin einwot an walok ilo menmenbwij eo an dri-jumae abnono. Court in ej kile bwe wawen in ear kommon jen dri-kabilekek ro an Luna John einwot an walok im alikar. Ro uwan family kein rejela im melele bwe Muna Clarence ejjab nejin Michael Jonathan, ak EJ JATIN.

3) Ilo nan in kamol ko an Liomelon eliktata ear kile Muna Clarence ke ej

jinen im maron ko otemjej rebed ibben. Court in elab an erra ibben Liomelon kin an jela kottaiki non lellab in jinen. Liomelon elab an jela im melele bwe elane enaj jako lellab in jinen (MUNA), innem e eo enaj bok jikin. Court in ej tomak bwe jen kio im ilok, lellab rein ruo renaj jibwe bein dron im kautiej dron KIN YOKWE.

4) BULOK:

Nan in bulok ear walok ilo ien kar ronjake case in. Ilo nan in kamol ko an Leroij Atama Zedkaia, elab wot an kar kobolalaiki ke ear wor juon bulok komon non ro nejin LUWARELIK kin wot case eo LOMODRO ear komone nae Irojlablab Lainlen. Bwebwenato in Majuro ej katakin kij ke

Irojlablab ro moktalok, Isiah, Leroij Tarjikit, Joba Kabua, Amata Kabua, rar jab konono kin BULOK IN. Jej kile wawen in kinke ro nejin im jibun Luwarelik rar im rej jolete wot maron eo an Irojiedrik tok wot non rainin.

Ak etoke rainin? Jen kememej bwe BULOK melelen, TIM-MIJKOK!!

D. PLAINTIFF'S WITNESSES NAMES AND ADDRESSES:

- | | | |
|----|-----------------|---------------------------------|
| 1. | Toke Sawej | Laura, Majuro, Marshall Islands |
| 2. | Toej A. Jamodre | Delap, Majuro, Marshall Islands |
| 3. | Paul Edwin | Delap, Majuro, Marshall Islands |

HOSTILE WITNESSES:

- | | | |
|----|-------------------------|----------------------------------|
| 4. | Line Myazoe | Delap, Majuro, Marshall Islands |
| 5. | Elizabeth Myazoe | Delap, Majuro, Marshall Islands |
| 6. | Yukio (Lawrence) Kumtak | Batkan, Majuro, Marshall Islands |
| 7. | Leroij Atama Zedkaia | Delap, Majuro, Marshall Islands |

E. PLAINTIFF'S EXHIBIT 1 - 11

1. Bujen Lease Ion Mottan In (TEREEN WETO) Delap, Majuro
2. Ground Lease Agreement
3. Mojen eo an Irojlablab Kaibuki (Commission eo an Bwidrej)
4. Lease Agreement (For Tereen Weto, Delap)
5. Kalimur: non ro tellokier
6. Statement of Claim Damage
7. Statement of Claim Land Ownership
8. Kin Tereen Weto, Delap
9. Determination of Ownership and Release No. 141
10. Ownership of Land, Majuro Atoll
11. 11-A = Genealogy Chart (Plaintiff)
11-B = Genealogy Chart (Plaintiff)

F. KIN CASE IN: Ronjake eo an case in eletok melele kein:


- a) Muna Clarence ej Irojiedrik non Tereen Weto ilo Delap. Irojlablab Amata Kabua ear jab bok maron in jene. Court in ej kile bwe Leroij


Atama Zedkaia ej kojekdron kon ko Iroj ro imanlok rar kommoni, ak elane jaab, innem ekakkure manit.


- b) Jej jolete maron ko ad "jen bwij non bwij horizontally," im jab vertically. Jouj im lale High Court Civil Action No. 1997-124, Kotta Lokar nae Lanbo Kemoot.
- c) Ejjelok BULOK: Elane ear wor, innem LIORMEJAB im ro nejin reban kar jolete maron eo an irojiedrik rainin.
- d) JEMAN-AE: Case in eban kakkure maron ko joleti im jerammon kaki iumin JEMAN-AE eo. Jen kautieje im monono kake!!
- e) Counsel eo an Dri-jumae abnono ear jab called an witness.


Bedbed ion aoleb melele kein, enin ej lemnak eo an aoleb rein uwaan Panel in ke aet MUNA CLARENCE eo ekkar tata im jejjet tata bwe en kabjer maron, title, im interest eo an Irojiedrik rainin ion Tereen Weto.

Ran: August 8, 2000


Billiet Edmond
Associate Judge TRC


Berson Joseph
Associate Judge TRC


Tonko Isiaha
Temporary Associate Judge TRC

FILED
AUG 08 2000

CLERK OF COURTS
MARSHALL ISLANDS